

- (3) Postojeći Zakon o Tužilaštvu Kantona Sarajevo ("Službene novine Kantona Sarajevo", br. 3/97 i 21/01) stavlja se van snage na dan iz stava 1. ovog člana.

## Član 37.

- (1) Do donošenja propisa o internim aktivnostima Tužilaštva u skladu s ovim Zakonom, primjenjuju se postojeći propisi o internim aktivnostima Tužilaštva, ukoliko ti propisi nisu u suprotnosti s ovim Zakonom.

## Član 38.

Glavni tužilac, zamjenici glavnog tužioca i tužioci imaju pravo na plaću i druge naknade definirane zakonom.

## Član 39.

- (1) Postojeće kantonalno Tužilaštvo i općinska Tužilaštva Kantona Sarajevo izvršit će prijenos imovine, predmeta iz njihove nadležnosti i arhiva na novo Tužilaštvo na dan uspostave novog Tužilaštva u skladu s članom 36. stav 1. ovog zakona.
- (2) Prijenos imovine, predmeta i arhiva iz stava 1. ovog člana izvršit će postojeći kantonalni i općinski tužioci, koji će sačiniti službenu zabilješku o gorenavedenom prijenosu.
- (3) Kopija službene zabilješke dostavlja se kantonalnom Ministarstvu pravde i novouspostavljenom Tužilaštvu.

## Član 40.

Ovaj zakon o Kantonalnom tužilaštvu stupa na snagu osam dana od dana objavljivanja u "Službenim novinama Kantona Sarajevo".

Broj 01-02-17472/02                      Predsjedavajući  
12. septembra 2002. godine      Skupštine Kantona Sarajevo  
Sarajevo                                      **Miro Lazović, s. r.**

Na osnovu člana 18. stav 1. tačka b) i člana 38. stav 1. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00 i 4/01), Skupština Kantona Sarajevo, na sjednici od 12. septembra 2002. godine, donijela je

**ZAKON****O IZMJENAMA I DOPUNAMA ZAKONA O  
ADMINISTRATIVNIM TAKSAMA**

## Član 1.

U Zakonu o administrativnim taksama ("Službene novine Kantona Sarajevo", broj 30/01 - prečišćeni tekst) u članu 9. tačka 13. brišu se tačka i zarez i dodaju zarez i riječi: "osim u postupku izdavanja odobrenja za iznošenje djela savremene umjetnosti u inostranstvo".

## Član 2.

U poglavlju VI TARIFA ADMINISTRATIVNIH TAKSA u članu 19. Tarifni broj 13. stav 1. tačka b) iza riječi "dijete" dodaje se zarez i riječi: "ili za naknadni upis djeteta u pasoš jednog roditelja ili drugog zakonskog zastupnika",

a u tački c) riječi: " putnih isprava čija važnost nije istekla više od jednog mjeseca" brišu se i dodaju riječi: "oštećenih ili uništenih putnih isprava".

U Tarifnom broju 35. dodaje se stav 2. koji glasi: "za rješenja o davanju odobrenja za iznošenje djela savremene umjetnosti u inostranstvo 30".

## Član 3.

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-17471/02                      Predsjedavajući  
12. septembra 2002. godine      Skupštine Kantona Sarajevo  
Sarajevo                                      **Miro Lazović, s. r.**

Na osnovu člana 12. stav 1. tačka f) i člana 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00 i 4/01) i člana 68 b. stav 1. Zakona o građevinskom zemljištu ("Službeni list SRBiH", br. 34/86, 1/90 i 29/90), Skupština Kantona Sarajevo, na sjednici od 12. septembra 2002. godine, donijela je

**ODLUKU****O UTVRĐIVANJU PROSJEČNE KONAČNE  
GRAĐEVINSKE CIJENE PO 1 M<sup>2</sup> KORISNE  
STAMBENE POVRŠINE U STAMBENOJ IZGRADNJI  
NA PODRUČJU KANTONA SARAJEVO U 2001. GODINI**

## Član 1.

Utvrđuje se prosječna konačna građevinska cijena 1 m<sup>2</sup> korisne stambene površine u iznosu 1.080,00 KM, na području Kantona Sarajevo u 2001. godini, koja služi kao osnovica za određivanje visine naknade za dodijeljeno gradsko građevinsko zemljište (renta) za 2002. godinu.

## Član 2.

Ova odluka stupa na snagu danom objavljivanja u "Službenim novinama Kantona Sarajevo".

Broj 01-02-17476/02                      Predsjedavajući  
12. septembra 2002. godine      Skupštine Kantona Sarajevo  
Sarajevo                                      **Miro Lazović, s. r.**

Na osnovu člana 12. stav 1. tačka f) i člana 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 14/00 i 4/01), Skupština Kantona Sarajevo, na sjednici od 12. septembra 2002. godine, donijela je

**ODLUKU****O UMANJIVANJU NAKNADE ZA DODIJELJENO  
GRADSKO GRAĐEVINSKO ZEMLJIŠTE NA  
KORIŠĆENJE I NAKNADE ZA UREĐENJE  
GRADSKOG GRAĐEVINSKOG ZEMLJIŠTA**

## Član 1.

Ovom odlukom umanjuje se visina naknade za dodijeljeno gradsko građevinsko zemljište na korišćenje (renta) i visina naknade za uređenje gradskog građevinskog zemljišta u 2002. godini tako

1. da visina naknade za dodijeljeno gradsko građevinsko zemljište na korišćenje po 1 m<sup>2</sup> korisne površine **stambenog, poslovnog i proizvodnog prostora** iznosi u:
 

I zoni građevinskog zemljišta	10 KM
II zoni građevinskog zemljišta	8 KM